

明鑑紀事本末



秦漢紀事本末卷之二十

武宣皇帝曰揭蒼湘江學政食事豐潤谷應泰編纂

河此大里學然三論林那安國政自大寧際科

新除會出二十三平佳天氣合為三男際第

學設立三制參議大寧京師會典

成祖永樂元年三月敗北平行都司為大寧都司徙

保定以大寧故地界三衛大寧故地長哈地也在烏

龍江南瀕陽塞北春秋時為山戎秦時為遼西北境

漢為奚所據後魏韓庫其奚服屬奚丹唐為奚契丹

元爲大寧路。洪武中元兵遺沙漠屢侵之。乞降。高皇
帝割錦義建利諸州隸遼東。而於古會州大寧地北
設北平行都司。領興營等二十餘衛。所十四年封皇
子穆於大寧爲寧王。時宋國公福勝征納哈出。據大
寧塞。列戍控制。遂築大寧寬河會州富峪四城。卒破
降納哈出。二十二年封兀良哈爲三衛處降人。而以
阿北失里等爲三衛指揮使同知。自大寧前抵喜峰
近宣府曰桑顏。自錦義歷廣寧渡遼河至白雲山爲
泰寧。自黃泥窪逾潘陽鐵嶺至開原曰福餘。惟桑顏

最強其貢路入自喜峰口而市則在遼東防其變也。後竟叛去。附於元。燕王起兵。從劉家口徑趨大寧。不數日奄至。寧王倖出不意降。燕王乃移王與其軍內地。盡拔降騎還北平。從戰有功。遂以三衛地畧兀良哈使仍爲三衛。其官都督。至指揮千百戶有差。約以爲外籓。居則偵探。警則捍衛。歲給牛具種布帛酒食良厚。此棄大寧設三衛之始也。三衛自遼瀋抵宣府幾三千里。大寧旣棄。天壽山與異域爲隣。而宣府遼東斷左右臂。乃調營州左屯衛於順義。右屯衛於薊。

州中屯衛於平谷。前屯衛於香河。後屯衛於三河。衛設左右中前後五所。仍隸大寧都司。復設東勝中前後三所。千戶于懷仁等處守備。然諸部落已列我門庭矣。亡何三衛復叛。附阿魯台。終明之世。泰寧福餘常與東合。而朶顏常與西合。爲中國膏肓之患。則皆三衛爲之鄉導也。

二十年秋七月。上親征阿魯台。旋師討兀良哈。大破之。永樂初。福餘衛請鬻馬。令於廣寧開原互市。尋三衛爲本雅失里所脅。掠我邊卒。上遣使諭之。納馬蹟。

罪。然時陞阿魯台出沒塞下。至是上北征。旋師召諭諸將曰。阿魯台敢爲悖逆。以兀良哈爲之羽翼也。當分兵剪之。遂簡步騎數萬。分五道徃。而身率鄭亨薛祿等將大軍邀其西。師次屈裂兒河。兀良哈驅衆數萬西奔。陷澤中。上麾騎兵前擊之。斬級數百。遂自相蹂藉死無算。上乘高瞭望。見其衆復聚。遂張左右翼嚴陳夾攻。命吏士持神機弩伏深林。戒寇至乃發。頃寇騎突而左。左師馳之。走林中。中伏驚潰死傷畧盡。追奔三十餘里。蕩其巢而還。自是三衛稍創。

宣宗宣德三年九月兀良哈犯大寧上親征出喜峰口至寬河大破之宣德初朶顏衛指揮哈剌哈孫等朝貢不至武進伯朱榮鎮遼東請掩擊之上不許至是上親歷諸關塞駐蹕石門驛守將奏兀良哈萬衆盜邊已入大寧經會州將及寬河諸將請益徵兵上曰孽寇無能爲也但謂吾邊無備故來若知朕在此當驚駭走矣今出喜峰口路隘且險單騎可行若候諸軍並進恐緩事機朕以鐵騎三千先進出其不意擒之必矣或言三千未必足用上曰兵在精不在多

三千足辦擒賊。遂決策親征。簡士三千人。人一騎。持
十日糧。夜銜枚出喜峰口。馳四十里。昧爽至寬河。距
其營二十里。寇望見。以爲乘障卒。遂悉衆前。上麾鐵
騎分兩翼進。夾攻之。上親射其前鋒。殲三人。飛矢雨
集。神機銃疊發。寇不能當。大潰走。上以數百騎直前。
寇望見黃龍旗。知上親在也。大驚。悉下馬羅拜。請降。
皆生縛之。斬其渠。駐蹕寬河。分命諸將窮搜窟穴。忠
勇王金忠故韃靼名王子也。及其甥都督把台。請自
效。上許之。或密言忠往不反。上不聽。忠與把台果

大克獲歸。上飲以金爵。遂輟賜。顧謂侍臣。王者宜推誠待人。漢用金日磾。庸不足法耶。遂班師。

五年徙開平衛於獨石。洪武初李文忠克元上都。設開平衛守之。置驛八。東曰涼亭。泥河。賽峪。黃崖。四驛接大寧。古北口。西曰桓州。威遠。明安。黑寧。四驛接獨石。永樂間大寧旣棄。而開平勢孤難守。至是遂城獨石。徙開平衛於此。棄地蓋三百里。自是盡失龍岡。河之險。邊陲斗絕。益騷然矣。

九年夏四月。瓦剌脫歡攻阿魯合殺之。因通兀良哈。

先是詔獨三衛罪予自新以泰寧衛印沒于寇更給兀良哈遂駐牧遼東塞

英宗正統二年十二月福餘等衛阿魯及等以五百騎掠葭州獨石守將楊洪遮擊西涼亭生擒百戶乞麻里等奪所掠命集兀良哈貢使僇之市進洪都指揮同知初正統元年福餘衛失印更給如泰寧例而脫歡遣使通兀良哈潛伺屢諭不悛至是復諭都指揮安出等縛首惡以獻

四年夏六月福餘衛都指揮及都等數言賞薄互市

失利。非永樂時比。上因使者還。勅曰。文皇帝以爾通
何魯合。歲徵馬三千匹贖罪。爾俛首聽命。朕實爾寬
而妄意無厭。是速敗也。其亟圖改已。而以通瓦刺罷
其部落貢獻。九月。兀良哈犯邊。右叅將楊洪追擊
于白塔兒三岔口。值兀良哈五百騎擊敗之。射死十
二人。擒三人。

六年冬十月。左叅將黃直巡邊。至閔安山。值兀良哈
三百餘騎擊敗之。福餘衛脫火赤完哈等假射獵。屢
犯邊。至是被擒。磔於市。尋復以遊騎犯密雲。擄頭貴。

塞射傷戍卒又掠牛心山

七年冬十月兀良哈千騎自檀帽山犯廣寧前屯等衛守將曹義擒其將孛台會三衛來朝僇示之

九年秋七月兀良哈入寇命成國公朱勇等率諸軍三十萬分道出塞擊之朱勇同太監錢僧保由中路出喜峰口興安伯徐亨同太監曹吉祥由南路出劉家口左都督馬諒同太監劉永誠由北路出界嶺口都督劉懷同太監但在山西北路出古北口踰灤河渡柳河經大小興州過神樹破福餘于全寧復破泰

寧朶頗于虎頭山出所掠萬計而都督楊洪出黑山
俘斬安出部各論功加秩三衛從是寢衰然怨中國
益刺骨因糾乜先入寇爲之鄉導矣

十二年春正月都御史王勣同總兵曹義巡邊抵廣
寧凡良哈伏驢林中義擊敗之時瓦剌乜先亦東侵
三衛乃遣使勅諭之毋爲瓦剌誘

十四年三月福餘泰寧其潛結乜先入寇朶頗獨扼
險不從乜先至不能入大掠二衛人畜去其秋旋與
乜先合土木北狩命都御史鄒來學經畧京東并設

參將總兵罷朶顏三衛互市

景帝景泰六年朶顏諸衛來朝乞耕地及犁鐮種糧
詔予糧三十石未幾寇獨石先是既罷三衛互市景
泰二年復議于貢然三衛常竄名瓦剌使中窺我遇
北使厚不無心望且結婚漠北挾爲重稍侵軼盡沒
遼河東西三岔河北故地薊遼多事自此始四年兵
部尚書于謙言三衛使蚤至頗爲无刺間宜令邊臣
嚴備因條上防禦事詔自是使至件二三人入京餘
不得輒入關已而泰寧衛都督僉事單于帖木兒乞

大寧廢城及甲辰諫持不可帝重絕三衛款遣譯者
語大寧城逼近塞不便馳獵又炎暑多生疫其甲楯
須寇至乃給謀遂沮至是寇邊塞將葉盛督兵破走
之

憲宗成化元年春二月孛來爲三衛請賞不許自景
泰末三衛多與孛來通貢使浮額隨孛來使者走雲
中朝廷羈縻不問至是孛來爲請賞勅諭四方貢使
賞有成額三衛曩朝貢從東路喜峰口今朵顏都督
朵羅干等擅易貢道希混賞朝廷照例分別又何誅

焉尋復闌入邊遣都督李鐸往諭至泰寧還兵部以
奉使無狀請逮治詔貸之十二月泰寧衛都督劉
玉元喃帖木兒等請市牛及農具塞下并乞賜蟒上
諭蟒衣勿與他聽與民交易朵顏衛兀研帖木兒因
請職事兵部覆未有成勞例無陞授不許

二年十二月兀刺遣使貢馬挾三衛從喜峰口入詔
待以三衛禮勅其渠阿失帖木兒無糾朵顏妄更貢
道
十四年秋七月三衛部落各請從便遣入貢并求開

市時太監汪直方與兵部侍郎馬文升爭遼東撫勦異同故三衛乘間挾我也。詔邊吏以朝廷恩義諭之。孝宗弘治二年兵部尚書馬文升請修邊備。先是自天順後李來潛通三衛屢入塞中國羈縻不絕誘致之亦不敢大爲寇。至是文升奏往茂三衛盜漠北馬經大同宣府報敵老管。今兩鎮經年不報疑彼此相通乞于團營選馬步三千赴永平三千赴密雲防禦及會兩鎮巡操從之。

十一年冬朵顏入寇先是邊軍燒荒出塞遇寇騎格